

圖經衍義本草卷之四

江蘇

書局

圖經衍義本草卷之四


資四

宋通直郎辨驗藥材寇宗真編撰

宋太醫助教辨驗藥材許洪校正

玉石部中品

磁石



**磁石**

味辛鹹寒無毒主周痺

禹錫等按蜀本注云凡痺隨血

脉上下不能左風濕肢節中痛不可持物洗

右去者為周痺酸痠除大熱煩滿及耳聾耳養腎藏強骨氣益

精除煩通關節消癰腫鼠瘦頸核喉痛小兒

驚癇鍊水飲之亦令人有子一名玄石一名

資四

處石生太山川谷及慈山山陰有鐵處則生

其陽採無時柴胡為之使殺鐵毒惡牡丹莽

草畏黃石脂

圖經曰磁石生太山山谷及慈山山陰有

鐵處則生其陽今慈州徐州及南海傍山



中皆有之慈州者歲貢最佳能吸鐵虛連  
十數針或一二斤刀器回轉不落者尤真  
採無時其石中有孔孔中黃赤色其上有  
細毛性溫功用更勝謹按南州異物志云  
漲海崎頭水淺而多磁石徼外大舟以鐵

葉銅之者至此多不得過以此言之海南  
所出尤多也按磁石一名玄石而此下自  
有玄石條云生太山之陽山陰有銅銅者  
雌鐵者雄主療頗亦相近而寒溫銅鐵畏  
惡乃別蘇恭以爲鐵液也是磁石中無孔



光澤純黑者其功劣於磁石又不能懸針  
今北蕃以磁石作禮物其塊多光澤又吸  
針無力疑是此石醫方罕用

藥性論云磁石臣味鹹有小毒能補男子  
腎虛風虛身強腰中不利丹方用之

貨四

陶隱居云今南方有好者能懸吸針虛連  
三四為佳殺鐵毒消金仙經丹方黃白術  
用之

陳藏器云磁石毛味鹹溫無毒主補絕傷  
益陽道止小便白數治腰脚去瘡癭長肌

膚令人有子宜入酒出相州北山磁石毛  
鐵之母也取鐵如母之招子焉本經有磁  
石不言毛毛石功狀殊也又言磁石寒此  
彌誤也

日華子云磁石味甘澁平治眼昏筋骨羸  
弱補五勞七傷除煩燥消腫毒小兒誤吞  
鐵鍼等即細末筋肉莫令斷與磁石同下  
之

雷公云凡使勿誤用玄中石并中麻石此  
石之二真相似磁石只是吸鐵不得中麻



石心有赤皮麤是鐵山石也誤服之令人  
有惡瘡不可療夫欲驗者一斤磁石四面  
只吸鐵一斤者此名延年沙四面只吸得  
鐵八兩者號曰續未石四面只吸得五兩  
已來者號曰磁石

寶四

聖惠方治小兒誤吞針用磁石如棗核大  
磨令光鑽作竅絲穿令含針自出

外臺秘要療丁腫取磁石搗爲粉釀醋和  
封之根即立出差

鬼遺方治金瘡腸出欲入之磁石滑石各



三兩爲末以白米飲調方寸匕服日再服  
衍義曰磁石色輕紫石上輝澁可吸連針  
鐵俗謂之燿鐵石養益腎氣補填精髓腎  
虛耳聾目昏皆用之入藥須燒赤醋淬其  
玄石即磁石之黑色者也多滑淨其治體  
大同小異不可不分而爲二也磨其石則  
能指南然常偏東不全南也其法取新纊  
中獨縷以半芥子許蠟綴于針腰無風處  
垂之則針常指南以針橫貫燈心浮水上  
亦指南然常偏東位蓋丙爲大火庚辛金


受其制故如是物理相感爾

玄石

**玄石**味鹹溫無毒主大人小兒驚癇女子絕

孕小腹冷痛少精身重服之令人有子一名

玄水石一名處石生太山之陽山陰有銅銅





者此黑者雄惡松脂栢實菌桂

圖經具磁石下

陶隱居云本經磁石一名玄石別錄各一  
種今按其一名處石既同療體又相似而  
寒溫銅鐵及畏惡有異俗方既不復用之

資四



四

亦無識其形者不知與磁石相類否

唐本注云此物鐵液也但不能拾針療體  
如經劣於磁石磁石中有細孔孔中黃赤  
色初破好者能連十針一斤鐵刀亦被迴  
轉其無孔光澤純黑者玄石也不能吸針



凝水石



凝水石

味辛甘寒大寒無毒主身熱腹中積聚邪氣皮中如火燒煩滿水飲之除時氣熱盛五藏伏熱胃中熱煩滿止渴水腫小腹痺久服不飢一名白水石一名寒水石一名凌

資四

五

水石色如雲母可析者良鹽之精也生常山

山谷又中水縣及邯鄲解巴豆毒畏地榆

藥性論云寒水石能壓丹石毒風去心煩

渴悶解傷寒復勞

陶隱居云常山屬并州中水縣屬河間郡

邯鄲即趙郡並屬冀州域此處地皆鹹鹵  
故云鹽精而碎之亦似朴消此石未置水  
中夏月能為冰者佳

唐本注云此石有兩種有縱理橫理色清  
明者為佳或云縱理為寒水石橫理為凝  
水石今出同州韓城色青黃理如雲母為  
良出澄城者斜理文色白為劣也

禹錫云按吳氏云神農辛岐伯醫和扁鵲  
甘無毒季氏大寒或生邯鄲採無時如雲  
母色



雷公云凡使先須用生薑自然汁煮汁盡  
為度細研如粉用每修十兩用薑汁一鎰  
傷寒類要治肉痺其人小便白以凝水石  
主之也

丹房鏡源云凝水石可作油衣可食制丹

砂為匱伏玄精

經驗方治小兒丹毒皮膚熱赤用寒水石  
半兩白土二分搗羅為末用米醋調傅之  
愈

集驗方治風熱心躁口乾狂言渾身壯熱



及中諸毒龍腦甘露丸寒水石半斤燒半  
日淨地坑內盆合四面濕土擁起俟經宿  
取出入甘草末天竺黃各二兩龍腦二分  
糯米膏丸彈大蜜水下

衍義曰凝水石又謂之寒水石紋理通徹

資四

六

人或磨刻為材以備暑月之用入藥須燒  
過或市人燒入膩粉中以亂真不可不察  
也陶隱居言夏月能為冰者佳如此則舉  
世不能得似乎失言

陽起石



影集

母不喻...

...

...

...





**陽起石** 味鹹微温無毒主崩中漏下破子藏

中血癥瘕結氣寒熱腹痛無子陰痿不起補  
不足療男子莖頭寒陰下濕痒去臭汗消水  
腫久服不飢令人有子一名白石一名石生  
一名羊起石雲母根也生齊山山谷及琅琊

資四

七

或雲山陽起山採無時桑螵蛸為之使惡澤  
瀉菌桂雷丸蛇蛻皮畏菟絲

圖經曰陽起石生齊山山谷及琅琊或雲  
山陽起山今惟出齊州他處不復有或云  
邢州鵲山亦有之然不甚好今齊州城西



惟一土山石出其中彼人謂之陽起山其  
山常有溫煖氣雖盛冬大雪遍境獨此山  
無積白蓋石氣熏蒸使然也山惟一穴官  
中常禁閉至初冬則州發丁夫遣人監視  
取之歲月積久其穴益深鏡鑿他石得之  
甚難以色白肌理瑩明若狼牙者爲上亦  
有夾他石作塊者不堪每歲採擇上供之  
餘州中貨之不爾市賈無由得也貨者雖  
多而精好者亦難得

藥性論云陽起石惡石葵忌羊血味甘平

主補腎氣精乏腰疼膝冷濕痺能煖女子  
子宮久冷冷癥寒癥止月水不定

陶隱居云此所出即與雲母同而甚似雲  
母但厚實爾今用乃出益州與礬石同處  
色小黃黑即礬石雲母根未知何者是俗  
用乃稀仙經亦服之

唐本注云此石以白色肌理似殷孽仍夾  
帶雲母綠潤者為良故本經一名白石今  
有用純黑如炭者誤矣雲母條中既云黑  
者名雲膽又名地涿服之損人黑陽起石



必爲惡矣經言生齊山齊山在齊州歷城西北五六里採訪無陽起石陽起石乃齊山西北六七里廬山出之本經云或雲山雲廬字訛矣今太山沂州惟有黑者其白者獨出齊州也

資四

禹錫云吳公氏云陽起石神農扁鵲酸無毒桐君雷公岐伯鹹無毒季氏小寒或生太山

南海藥譜云陽起石惟太山所出黃者絕佳邢州鵲山出白者亦好

衍義曰陽起石如狼牙者佳其外色不白如薑石其大塊者亦內白治男子婦人下部虛冷腎氣乏絕子藏久寒須水飛研用凡石藥冷熱皆有毒宜斟酌

**孔公孽**

味辛溫無毒主傷食不化邪氣結惡

瘡疽癭痔利九竅下乳汁男子陰瘡女子陰蝕及傷食病常欲眠睡一名通石殷孽根也青黃色生梁山山谷木蘭為之使惡細辛

圖經曰文具石鍾乳條下

藥性論云孔公孽忌羊血味甘有小毒主



治腰冷膝痺毒風男女陰蝕瘡治人常欲  
多睡能使喉聲圓亮

陶隱居云梁山屬馮翊郡此即今鍾乳牀  
也亦出始興皆大塊打破之凡鍾乳之類  
三種同一體從石室上汁溜積久盤結者

次四

九

為鍾乳牀即此孔公孽也其次以小龍從  
者為殷孽今人呼為孔公孽殷孽復溜輕  
好者為鍾乳雖同一類而療體為異賤相  
殊此二孽不堪丸散人皆搗末酒漬飲之  
甚療脚弱其前諸療恐宜水煮為湯也按

今三種同根而所生各處當是隨其土地  
為勝爾

日華子云孔公孽味甘煖治癥結此即殷  
孽牀也

禹錫云按蜀本云凡鍾乳之類有五種一

鍾乳二殷孽三孔公孽四石牀五石花雖  
同一體而主療有異此二孽止可酒浸不  
堪入丸散藥用然甚療脚弱脚氣石花石  
牀顯在後條

青霞子云孽輕身充飢



**殷孽**味辛溫無毒主爛傷瘀血洩痢寒熱鼠  
痿癥瘕結氣脚冷疼弱一名薑石鍾乳根也  
生趙國山谷又梁山及南海採無時惡防已  
畏木

圖經曰文具石鍾乳條下

陶隱居云趙國屬冀州此即今人所呼孔  
公孽大如牛羊角長一二尺左右亦出始  
興

唐本注云此名石室下孔公孽根也盤結  
如薑故名薑石俗人乃以孔公孽爲之誤

爾

禹錫云按日華子云殷孽治筋骨弱并痔  
瘻等疾及下乳汁

蜜陀僧



蜜陀僧

味鹹辛平有小毒主久痢五痔金瘡



面上癩酏面膏藥用之

圖經曰蜜陀僧本經不載所出州土注云  
出波斯國今嶺南閩中銀銅冶處亦有之  
是銀鉛脚其初採礦時銀銅相雜先以鉛  
銅煎鍊銀隨鉛出又採山木葉燒灰開地  
作鑪填灰其中謂之灰池置銀鉛於灰上  
更加火大鍛鉛滲灰下銀往灰上罷火候  
冷出銀其灰池感鉛銀氣置之積久成此  
物今之用者往往是此未必胡中來也形  
似黃龍齒而堅重者佳

日華子云味甘平無毒鎮心補五藏治驚  
癇嗽嘔及吐痰等

雷公云製用蜜陀僧凡使搗令細於堯堯  
中安置了用重紙袋盛柳蚰末焙蜜陀僧  
堯堯中次下東流水浸令滿著火煮一伏時

資四

十一

足去柳末紙袋取蜜陀僧用

禹錫云按蜀瓜

注云五痔謂牡痔酒痔腸

痔血痔氣痔

聖惠方治黥黷斑點方用蜜陀僧二兩細  
研以人乳調塗面每夜用之。又方赤白



痢所下不多遍數不減用蜜陀僧三兩燒  
令黃色研如粉每服醋茶調下一錢七日  
三服

外臺秘要冷面生光方以蜜陀僧用人乳  
煎塗面佳兼治瘡鼻皴

譚氏小兒方療豆瘡癩面靨以蜜陀僧細  
研水調夜塗之明旦洗去平復矣

衍義曰蜜陀僧堅重推破如金色者佳

**鐵精**

平微溫主明目化銅療驚悸定心氣小

兒風癘陰癘脫肛

圖經曰文具鐵條下

陶隱居云鐵落是染皂鐵漿生鐵是不破  
鑄鎗釜之類鋼鐵是雜鍊生鏽作刀鏤者  
鐵精出鍛竈中如塵紫色輕者為佳亦以  
摩瑩銅器用之

陳藏器云針砂性平無毒堪染白為皂及  
和沒食子染鬚至黑飛為粉功用如鐵粉  
鍊鐵粉中亦別須之針是其真鋼砂堪用  
人多以雜和之謬也又云鍛鑽下鐵屑味  
辛平無毒主鬼打鬼疰邪氣水漬攪令沫



出澄清去滓乃煖飲一二盞

日華子云鐵屑治驚邪癩癩小兒客忤消  
食及冷氣並煎汁服之也一云犁鏡尖浸  
水名爲鐵精可制朱砂石亭脂水銀毒  
聖惠方陰脫鐵精羊脂二味攪令稠布裏

資四

十二

炙熱慰推內之差。○又方食中有蟲蠱毒令  
人腹內堅痛兩目青黃淋露骨立病變無  
常用鐵精細研擣雞肝和爲丸如梧桐子  
大食前後酒下五丸

生鐵

**生鐵**

微寒主療下部及脫肛

圖經曰文具鐵條下



禹錫云按日華子云生鐵鍛後飛淘去麤  
赤汁烘乾用治癩疾鎮心安五藏能黑鬚  
髮治癬及惡瘡疥蜘蛛咬蒜摩生油傳並



得今注解在鐵精條

肘後方治熊虎所傷毒痛煮生鐵令有味以洗之。又方若被打瘀血在骨節及脇外不去以鐵<sub>此</sub>一斤酒三升煮取一升服之集驗方治脫肛歷年不愈以生鐵三斤水

資四

十三

一斗煮取五升出鐵以汁洗日再

子母秘錄治小兒卒得爛瘡一名爛瘡燒鐵淬水中三七遍以浴兒三二遍起作爛瘡漿

柔鐵

**柔鐵**

味甘無毒主金瘡煩滿熱中胃膈氣寒


食不化一名跳鐵

今注  
精解  
條在

圖經曰文具鐵條下

鐵主堅肌耐痛

圖經曰諸鐵不著所出州郡亦當同處耳






今江南西蜀有鑪冶處皆有之鐵落者鍛  
家燒鐵赤沸砧上打落細皮屑俗呼爲鐵  
花是也初鍊去鑛用以鑄鑄器物者爲生  
鐵再三銷拍可以作鏢者爲鑄鐵亦謂之  
熟鐵以生柔相雜和用以作刀劍鋒刃者  
爲鋼鐵鍛竈中飛出如塵紫色而輕虛可  
以瑩磨銅器者爲鐵精作針家磨鑪細末  
謂之針砂取諸鐵於器中水浸之經久色  
青沫出可以染皂者爲鐵漿以鐵拍作片  
段置醋糟中積久衣生刮取之爲鐵華粉

入火飛鍊者為鐵粉作鐵華粉自有法文  
多不載諸鐵無正入丸散者惟煮汁用之  
華粉則研治極細合和諸藥及馬銜秤錘  
車轄及杵鋸等皆燒以淬酒用之刀斧刃  
磨水作藥使並俗用有效故載之

資四

十四

# 珊瑚





**珊瑚**味甘平無毒主宿血去目中醫鼻衄末  
吹鼻中生南海

圖經曰珊瑚生南海注云又從波斯國及  
師子國來今廣州亦有云生海底作枝柯  
狀明潤如紅玉中多有孔亦有無孔者枝  
柯多者更難得採無時謹按海中經曰取  
珊瑚先作鐵網沉水底珊瑚貫中而生歲  
高三二尺有枝無葉因絞網出之皆摧折  
在網中故難得完好者不知今之取者果

爾否漢積翠池中有珊瑚高一丈二尺一  
本三柯上有四百六十三條云是南越王  
趙佗所獻夜有光影晉石崇家有珊瑚高  
六七尺今並不聞有此高大者

唐本注云似玉紅潤中多有孔亦有無孔

資四

十五

者又從波斯國及斯國及師子國來唐本  
先附

陳藏器云生石巖刺刺之汁流如血以金  
投之爲丸名金漿以玉投之爲玉髓久服  
長生



禹錫云按日華子云鎮心止驚明目

海藥云按晉列傳云石崇金谷園珊瑚樹  
交加苑生藥味甘平無毒主消宿血風癩  
等疾按其主治與金相似也

異物志云出波斯國爲人間至貴之寶也

錢相公篋中方治七八歲小兒眼有翳醫  
未堅不可妄傳藥宜點珊瑚散細研如粉  
細爛用少點目中即愈

衍義曰珊瑚治醫目今人用爲點眼筋有  
一等紅油色有細縱紋可愛又一種如鈔

丹色無縱紋爲下入藥用紅油色者嘗見  
一本高尺許兩枝直上分十餘歧將至其  
顛則交合連理仍紅潤有縱紋亦一異也  
波斯國海中有珊瑚洲海人乘大舶墮鐵  
網水底珊瑚初生磐石上白極菌一歲而  
黃三歲赤枝幹交錯高三四尺鐵發其根  
繫網舶上絞而出之失時不取即腐

石蠟





**石蠟**

味鹹寒無毒主青盲目中膚瞖及丁瞖

漆瘡生南海又云是尋常蠟爾年月深久水

資四

十六

沫相著因化成石每遇海潮即飄出又一般  
入洞穴年深者亦然皆細研水飛過入諸藥  
相佐用之點目良



圖經曰出南海今嶺南近海州郡皆有體

質石也都與蠟相似或云是海蠟多年水

沫相著化而為石每海潮風飄出為人所  
得又一種入洞穴年深者亦然醋磨傳癰  
腫亦解金石毒採無時

禹錫云按日華子云石蠟涼解一切藥毒  
并蠱毒催生落胎療血運消癰治天行熱  
疾等並熟水磨服也又云浮石平無毒止  
渴治淋殺野獸毒

衍義曰石蠟直是今之生蠟更無異處但  
有泥與麤石相著凡用須去其泥麤石止  
用蠟磨合他藥點目中須水飛過



長石



**長石**味辛苦寒無毒主身熱胃中結氣四肢

寒厥利小便通血脉明目去腎眇下三蟲殺

蟲毒止消渴下氣除脅肋肺間邪氣久服不

飢一名方石一名土石一名直石理如馬齒

方而潤澤玉色生長子山谷及太山臨淄採  
無時

陶隱居云長子縣屬上黨郡臨淄縣屬青  
州俗方及仙經並無用此者


唐本注云此石狀同石膏而厚大縱理而

必貝四

十七


長文似馬齒今均州遼坂山有之土人以  
爲理石者長石也

桃花石





**桃花石**味甘溫無毒主大腸中冷膿血痢久服令人肌熱能食



唐本注云出申州鍾山縣似赤石脂但舐之不著舌者爲真唐本先附  
南海藥譜云其狀亦似紫石英若桃花其潤且光而重目之可愛是也

衍義曰桃花石有赤白兩等有赤地淡白

點如桃花片者有淡白地有淡赤點如桃花片者人往往鑄磨為器用今人亦罕服食

**馬瑙**

味辛寒無毒主辟惡慰目赤爛紅色似

馬瑙亦美石之類重寶也生西國玉石間來

資負四

十八

中國者皆以為器亦云馬瑙珠是馬口中吐出多是胡人謬言以貴之耳


陳藏器云馬瑙出日本國用研木不熱為上研木熱非真也

衍義曰馬瑙非石非玉自是一類有紅白



黑色三種亦有其紋如纏絲者出西裔者  
佳彼土人以小者碾為好玩之物大者碾  
為器今古方入藥絕可用此物西方重之  
故佛經多言之其馬口吐出既知謬言不  
合編入

太陰玄精



**太陰玄精**

味鹹溫無毒主除風冷邪氣濕痺

益精氣婦人痼冷漏下心腹積聚冷氣止頭

痛解肌其色青白龜背者良出解縣

圖經曰太陰玄精出解縣今解池及通泰





州積鹽倉中亦有之其色青白龜背者佳採無時解池又有鹽精味更鹹苦青黑色大者三二寸形似鐵鏵背三月四月採亦主除風冷無毒又名泥精蓋玄精之類也古方不見用者近世補藥及治傷寒多用

資四

十九

之其著者治傷寒三日頭痛壯熱四肢不利正陽用太陰玄精滑石硫黃各二兩硃砂一兩四物都細研入瓦瓶子中固濟以火半斤於瓶子周一寸醫之約近半日今藥青紫色佳火待冷取出用臘月雪水拌

令勻灌入甕瓶子中屋後北陰下陰乾又  
入池埋二七日取出細研以麵糊和爲丸  
如雞頭實大先用鹽水浴後以艾湯研下  
一丸以衣蓋汗出爲差

衍義曰太陰玄精石合他藥金大風疾別  
有法陰證傷寒指甲面色青黑六脉沉細  
而疾心下脹滿結硬躁渴虛汗不止或時  
狂言四肢逆冷咽喉不利腹疼亦須佐他  
藥兼之圖經本草已有法惟出解州者良

**綠鹽**

味鹹苦辛平無毒主目赤淚出膚腎眇



暗

唐本注云以光明鹽硃砂赤銅屑釀之成塊綠色真者出焉者國水中石下取之狀若扁青空青為眼藥之要唐本先附

**鐵漿**

鐵法中陶為鐵落是鐵漿蘇云非也按

資四

二十

鐵漿取諸鐵於器中以水浸之經久色青沫出即堪染阜兼解諸毒入腹服之亦鎮心主癩癩發熱急狂走六畜癩狂人為蛇犬虎狼毒刺惡蟲等啣服之毒不入內

見陳藏器

**秤錘**

主賊風止產後血瘀腹痛及喉痺熱塞

並燒令赤投酒中及熱飲之時人呼血瘕為  
兒枕產後即起痛不可忍無錘用斧附今

禹錫云按陳藏器云秤錘味辛溫無毒

**鐵華粉**

味鹹平無毒主安心神堅骨髓強志

力除風邪養血氣延年變白去百病隨所冷

熱合和諸藥用棗膏為丸作鐵華粉法取鐵

鍛作葉如笏或團平面磨錯令光淨以鹽水

水灑之於醋甕中陰處理之一百日鐵上生

生鐵華成矣刮取更細擣篩入乳鉢研如麪

和合諸藥為丸散此鐵之精華功用強於鐵



粉也附今

禹錫云按日華子云鐵胤粉止驚悸虛癩  
鎮五藏去邪氣強志壯筋骨治健忘冷氣  
心痛痞癖癥結脫肛痔瘻宿食等

**鐵粉**

味鹹平無毒主安心神堅骨髓除百病

資四

二十一

變白潤肌膚令人不老體健能食久服令人  
身重肥黑合和諸藥各有所主其造作粉飛  
鍊有法文多不載人多取雜鐵作屑飛之令  
體重真鋼則不爾其針砂市人錯錄鐵為屑  
和砂飛為粉賣之飛鍊家亦莫辨也取鋼鐵為粉勝

附之今

**鐵落**

味辛甘平無毒主風熱惡瘡瘍疽瘡痂

疥氣在皮膚中除胃膈中熱氣食不下止煩  
去黑子一名鐵液可以染皂生牧羊平澤及  
彷彿城或析城採無時

禹錫云按了華子云鐵液治心驚邪一切

毒蛇蟲及蠶蟲漆咬瘡腸風痔瘻脫肛時疾

熱狂并染鬢髮今注解在鐵精條

**石腦**

味甘温無毒主風寒虛損腰脚疼痺安

五藏益氣一名石飴餅生名山土石中採無



時

陶隱居云此亦鍾乳之類形如曾青而白  
色黑斑軟易破今茅山東及西平山並有  
鑿土龕取之俗方不見用仙經有劉君導  
仙散用之又真誥曰李整採服療風痺虛

損而得長生

**理石**

味辛甘寒大寒無毒主身熱利胃解煩

益精明目破積聚去三蟲除榮衛中去來大  
熱結熱解煩毒止消渴及中風痿痺一名立

制石一名肌石如石膏順理而細生漢中山

谷及廬山採無時滑石爲之使惡麻董

陶隱居云漢中屬梁州廬山屬青州今出  
寧州俗用亦稀

衍義曰理石如長石但理石如石膏順理  
而細其非順理而細者爲長石治療亦不

資頁四

二十一

水相遼

**馬銜**

無毒主難產小兒癩產婦臨產時手持

之亦煮汁服一盞此馬勒口鐵也本經馬條

注中已略言之附

禹錫云按本經難產通用藥云馬銜平



**礪石**無毒主破宿血下石淋除癥結伏鬼物

惡氣一名磨石燒赤熱投酒中飲之即今磨

刀石取塗傳蠟蝮溺瘡有效又不欲人蹋之

今人患帶下未知所由又有越砥石極細磨

汁滴目除障闇燒赤投酒中破血癥痛功狀

極同名又相近應是礪矣禹貢法云砥細於

礪皆磨石也新補見陳藏器

**石花**味甘温無毒酒漬服主腰脚風冷與殷

孽同一名乳花

唐本注云三月九月採之乳水滴水上散

如霜雪者出乳穴堂中唐本先附

衍義曰石花白色圓如覆大馬杓上有百

十枝每枝各槎牙分歧如鹿角上有細文

起以指撩之錚錚然有聲此石花也多生

海中石上世亦難得家中有二本後又於

次百四

二十三

大相國宮中見一本其體甚晚不禁觸擊

本條所注皆非

**光明鹽**

味鹹甘平無毒主頭面諸風目赤痛

多眵淚生鹽州五原鹽池下鑿取之大者如

升皆正方光徹一名石鹽

唐本先附



禹錫云謹按蜀本注云亦呼為聖石

**石牀**味甘温無毒酒漬服與殷孽同名乳

牀一名逆石

唐本注云陶謂孔公孽即乳牀非也二孽在上牀花在下性體雖同上下有別鍾乳

水下凝積生如筍狀漸長久與上乳相接

為柱也出鍾乳堂中採無時唐本先附

**膚青**味辛鹹平無毒主蠱毒及蛇菜肉諸毒

惡瘡不可久服令人瘦一名推青一名推石

生益州川谷

陶隱居云俗方及仙經並無用此者亦相  
與不復識

**車轄**無毒主喉癰及喉中熱寒燒令赤投酒

中及熱飲之附今

**天子藉田三推犁下土**無毒主驚悸癲邪安

神定魄強志入官不懼利見大官宜婚市王

者所封五色土亦其次焉已前主病正爾水

服餘皆藏寶

**杜壇四角土**牧宰臨官自取以塗門戶主盜

不入境今郡縣皆有杜壇也



**鑄鐘黃土** 無毒主卒心痛症忤惡氣置酒中

溫服之彌佳也

**土蜂窠上細土** 主腫毒醋和為泥傅之亦主

蜘蛛咬土蜂者在地土中作窠者是

**春牛角上土** 收置戶上令人宜

資四

**桑根下土** 搜成泥餅傅風腫上仍灸二三十

壯取熱通瘡中又人中惡風水肉腫一箇差

以土碗灸二百壯當下黃水即差也

**胡鷺窠內土** 無毒主風瘙癢癩末以水和傅

之又巢中草主卒溺血燒為灰飲服又主惡

刺瘡及浸淫瘡遶身至心者死亦用之

**柱下土**無毒主腹痛暴卒者末服方寸七

**蟻穴中出土**取七枚如粒和醋搽狐刺瘡

**故茅屋上塵**無毒主老嗽取多年煙火者拂

取上塵和石黃款冬花婦人月經衣帶爲末

以水和塗于茅上待乾內竹筒子中燒一頭  
以口吸之入咽喉數數咽之無不差也



